

Rebecca Evans AS

Y Gweinidog Cyllid a Llywodraeth Leol

30 Mehefin 2022

Annwyl Rebecca

## Memorandwm Cydsyniad Deddfwriaethol ar gyfer Bil Banc Seilwaith y DU

Fel y gwyddoch, mae'r Pwyllgor Busnes wedi cyfeirio'r Memorandwm Cydsyniad Deddfwriaethol ar gyfer Bil Banc Seilwaith y DU at nifer o bwyllgorau i'w ystyried, gan gynnwys y Pwyllgor Newid Hinsawdd, yr Amgylchedd a Seilwaith ('y Pwyllgor').

Yn ei gyfarfod ar 30 Mehefin, cytunodd y Pwyllgor y dylwn ysgrifennu atoch i holi am wybodaeth bellach / neu eglurhad ynghylch nifer o faterion sydd o ddiddordeb penodol inni, o ystyried ein cylch gwaith Heb ragfarnu safbwynt polisi presennol Llywodraeth Cymru ar y Bil, byddem yn croesawu ymateb gennych ar y cwestiynau a ganlyn.

1. I ba raddau y mae'r Bil, fel y'i drafftwyd, yn adlewyrchu blaenoriaethau polisi Llywodraeth Cymru mewn perthynas â buddsoddi mewn seilwaith?
2. I ba raddau yr ydych yn fodlon ag 'amcanion' y Banc a nodir yn adran 2(3)? A oes unrhyw amcanion eraill y credwch y dylid eu cynnwys, er enghraifft, mynd i'r afael â'r dirywiad mewn bioamrywiaeth?
3. Sut y bydd y Banc yn ystyried deddfwriaeth Cymru, er enghraifft Deddf Llesiant Cenedlaethau'r Dyfodol, wrth wneud ei benderfyniadau o ran buddsoddi?
4. Mae llawer o'r manylion sy'n ymwneud ag egwyddorion craidd y Banc a'r paramedrau y bydd yn gweithredu oddi mewn iddynt wedi'u nodi yn Nogfen Fframwaith Banc Seilwaith y DU ('y Ddogfen Fframwaith'). I ba raddau yr ydych yn fodlon bod cydbwysedd priodol wedi'i daro rhwng y manylion



sydd wedi'u cynnwys yn y Bil a'r hyn a adawyd i'r Ddogfen Fframwaith nad yw'n rhwymol yn gyfreithiol, y cytunwyd arni gan Lywodraeth y DU?

5. Fel y nodwyd yn y Memorandwm Cydsyniad Deddfwriaethol, mae'r Ddogfen Fframwaith yn nodi "where an investment is primarily to support economic growth, the Bank will ensure that it does not do significant harm against its climate objective". A fyddech cystal â nodi eich dealltwriaeth o:

- ystyr 'significant harm' yn y cyd-destun hwn, a
- sut y bydd y Banc yn penderfynu a fydd buddsoddiad yn gwneud niwed sylweddol.

6. Er ei bod yn bosibl na fyddai penderfyniad buddsoddi penodol yn cyrraedd trothwy 'niwed sylweddol, efallai y byddai cyfres o benderfyniadau yn cael eu hystyried yn rhai a fyddai, ar y cyd, yn gwneud niwed sylweddol. Buasem yn ddiolchgar pe gallech nodi eich dealltwriaeth ynghylch i ba raddau a sut y bydd y Banc yn ystyried effaith gronol ei benderfyniadau buddsoddi.

7. I ba raddau yr ydych yn fodlon ag ystyr 'seilwaith' a nodir yn adran 2(5)? A oes unrhyw agweddau/mesurau eraill y credwch y dylid eu cynnwys yn yr ystyr?

8. Fel y'i drafftwyd, byddai'r Bil yn caniatáu i'r Banc ddarparu cymorth ariannol ar gyfer prosiectau seilwaith sy'n ymwneud â ffyrdd. I ba raddau y mae hyn yn cyd-fynd â blaenoriaethau trafndiaeth presennol Llywodraeth Cymru a'i hierarchiaeth trafndiaeth gynaliadwy?

9. Mae Llywodraeth y DU wedi nodi'n glir ei bwriad y dylid caniatáu i'r Banc ddarparu cymorth ariannol / benthyciadau ar gyfer prosiectau sydd â'r nod o wella effeithlonrwydd ynni mewn cartrefi. A allwch chi egluro a fydd hyn yn helpu i gefnogi Llywodraeth Cymru i gyflawni ei huchelgeisiau i ddatgarboneiddio stoc tai Cymru, a sut y bydd yn helpu?

10. Mae'r Ddogfen Fframwaith yn nodi mathau o brosiectau na ddylai'r banc eu cefnogi, gan gynnwys prosiectau sy'n ymwneud ag echdynnu, cynhyrchu, cludo a mireinio olew crai, nwy naturiol neu lo thermol gydag eithriadau cyfyngedig iawn. A fyddech cystal â nodi eich dealltwriaeth o'r 'eithriadau cyfyngedig iawn'.

11. A oes unrhyw fathau eraill o brosiectau y credwch na ddylid caniatáu i'r Banc eu cefnogi?

12. Gan gyfeirio at y polisi y sonnir amdano yng nghwestiwn 8, mae'r Nodiadau Esboniadol yn dweud "Caiff y polisi hwn ei ddiweddarau dros amser i adlewyrchu newidiadau ym mholisi a safonau rheoleiddio'r Llywodraeth". Sut y bydd Llywodraeth Cymru yn sicrhau bod y newidiadau hyn yn adlewyrchu polisiâu neu safonau rheoleiddio sy'n dod o fewn cymhwysedd datganoledig?

13. Mae'r Bil yn creu pwerau dirprwyedig i alluogi'r Trysorlys i newid gweithgareddau'r Banc neu'r diffiniad o seilwaith gan ddefnyddio is-ddeddfwriaeth o dan y weithdrefn gadarnhaol yn Senedd y

DU. Pa drefniadau sydd ar waith i sicrhau yr ymgynghorir â Llywodraeth Cymru (a llywodraethau datganoledig eraill) cyn unrhyw newidiadau o'r fath?

14. Pa rôl fydd gan y Senedd o ran ystyried is-ddeddfwriaeth i newid gweithgareddau'r Banc neu'r diffiniad o seilwaith?

Rwyf yn anfon copi o'r llythyr hwn at Huw Irranca-Davies AS, Cadeirydd y Pwyllgor Deddfwriaeth, Cyfiawnder a'r Cyfansoddiad; Paul Davies AS, Cadeirydd, Pwyllgor yr Economi, Masnach a Materion Gwledig; Peredur Owen Griffiths AS, Cadeirydd y Pwyllgor Cyllid; a Julie James AS, y Gweinidog Newid Hinsawdd.

Byddwn yn ddiolchgar pe byddech yn ymateb erbyn 28 Gorffennaf 2022 fan bellaf.

Yn gywir,



Llyr Gruffydd AS,  
Cadeirydd Pwyllgor Newid Hinsawdd, yr Amgylchedd a Seilwaith

Croesewir gohebiaeth yn Gymraeg neu Saesneg

We welcome correspondence in Welsh or English